

瀛寰全律髓

三十五之四十二

ね
12
23

東 京 圖 書 館
漢書門
詩賦類
函架號冊
三九二
一册

漢書門
函架號類
六五八
三九二


內閣文庫
漢書
六〇八
函架號冊
三九二

不許帶出

內閣文庫	
番號	漢 6088
冊數	12 (10)
函號	358 32

寧

共十二



淺草文庫

瀛奎律髓卷之三十五

庭宇類

亭榭宮殿樓閣堂軒庵寮

亭榭宮殿樓閣堂軒庵寮
亭榭宮殿樓閣堂軒庵寮
亭榭宮殿樓閣堂軒庵寮

五言

題洛中第宅

白樂天

水竹誰家宅門高地寬
懸魚掛青甍行馬護朱闌
春樹籠煙暖秋庭鎖月寒
松膠黏琥珀筠粉撲琅玕
試問池臺主當為將相官
終身不曾在唯展宅圖看

尾四句盡貴人第宅終不能歸之態

歸履道宅

律髓卷之三十五

庭宇類

五言

驛吏引藤輿家童開竹扉往時多暫住今日是長歸
下有衣衾耳邊無是非不論貧與富飲水亦應肥

王六豈不自適然他人不能道亦不肯道

題潼關樓

崔顥

客行逢雨霽歇馬上津樓山勢雄三輔關門扼九州
川從峽路去河遠華陰流向晚登臨處風煙萬里愁

中四句壯哉老杜同調

題沈隱侯八詠樓

梁別東陽守為樓望越中綠窻明月在青史古人空
江靜聞山沈川長歎塞鴻登臨白雲晚流恨此遺風

宿胡氏溪亭

項斯

獨住水聲裏有亭無熱時客來因月宿床勢向山移
鷺住松枝定猿歸葛葉垂寂寥唯欠伴誰為報僧知

起句自在第六句數字是詩眼好真

五六對後村深喜然覺太下太工則拘拘則

鸛雀樓晴望

馬戴

堯女樓西望人懷太古時海波通古穴山亦閉虞祠
鳥道殘虹掛龍潭返照移行雲如可馭萬里遊心期

寄題武當郡守吏隱亭

僧希壹

郡亭傳吏隱閑自使君心春暮知來客懸燈見宿禽

輝逢石斷其響入袍深會逐南帆便乘秋寄此吟

留題承旨宋侍郎林亭

翰苑蒼嘉致到來山意深會茶多野客啼竹半沙禽雪
溜懸危石其燈射遠林言詩素非苦虛吞侍臣心

碧淵堂

梅聖俞

虛雲臨滉漾橋勢對隆亨環珮佳人去汀洲翠帶空橋
船過砌下蘭棟起雲中欲問芳菲地吳王一廢宮

題三角亭

俞退翁

奇哉山中人來此池上宇蕙徑斜映帶林烟盡吞吐春
無四面花夜欠一簷兩寄傲足有餘何須存廣廡存一作尋

淮安園

王立之

賢玉經別墅深窈近嚴城花竹四時好賓朋一處傾闔
奩爭奕器擊鉢記詩成明日朝天去門倚鳥雀驚

此及聲律詩題既奇語亦妙退翁名在隱逸傳其人尤高不可不取

宿裴庵

葛無懷

一徑松杉迥成陰見日稀山晴僧盡出風暖燕交飛結
子花拋樹欄人犬護扉閑看山月上清坐更添衣

此句有夜味

題周氏東山堂

翁靈奇

城隅古謝村博士草堂存惟見煙霞起全無市井喧
來巢木杪龜出戲蒲根消得吟詩客凭欄看幾番

題信州草衣亭

簷多山鳥啼山下玉為溪林樹若為長塔峰應更低數
僧居似客一佛壞方泥宴坐當時事廊碑具刻題

薛氏瓜廬

趙師秀

不作封侯念悠然遠世紛惟應種瓜事猶被讀書分野
水多於地春山半是雲吾生癖已老學圃未知君

人家半在船野水多於地本樂天
反韻古詩今換一句為對亦佳

七言

題千家公主舊宅

劉賓客

繞樹荒臺葉滿池簫聲一絕草蟲悲鄰家猶學宮人語
園客爭偷御果枝馬埒蓬蒿藏狡兔鳳樓烟雨嘯鸕鷀
何郎獨在無恩澤不似當初傅粉時

題睦州郡中千峰榭

方玄英

豈知平地似天台朱戶深沉別徑開曳響靈蟬穿樹去
斜行沙鳥向池來牕中早月當琴榻牆上秋山入酒杯
何事此中如世外應緣羊祜是仙才

有此詩以見嚴陵郡
之千峯榭其來舊矣

題韋郎中新亭

張司業

起得幽亭景復新碧莎池上更無塵琴書看盡猶嫌少
松竹栽多亦稱貧藥酒欲開期好客朝衣暫脫見閑身
成名同日官連署此處經過有幾人

次韻張全真叅政退老堂

呂忠穆願浩

東郊卜築傍溪流菡萏香中寄一作繫小舟脫去簪紳歸
畎畝悟來漁釣勝公侯青雲舊好何妨厚白雪新詩為
寵留又指湘潭問行路一堂風月阻同遊

呂丞相家為此堂諸公各有詩
今拆選所和者多得體之言

次韻李泰叔退老堂

東郊半隱遠群峰門外滄水通再歲依棲欣有幸

十年遭濟嘆無功開心不厭耕南畝清夢猶思殫地戎
看取中原恢復後麒麟圖畫首膚公

為宰相退居不下第六句則
為何如人耶此所以為可選

次韻蔡叔厚退居堂

心存魏闕豈能忘揣分非才合退藏此日燕休難報國
平生艱阻憶垂堂枕戈每嘆身先老覽鏡常嗟貌不揚
每羨遠廬聊偃息會須恢復返吾鄉

此是次韻詩堂揚二字俱和
詞未向文見得宰相用心

登西樓

王半山

樓影侵雲百尺斜行人數上憶天涯情多自悔登臨數

目極因驚悵望餘一曲平蕪連古樹半分殘日帶明霞
潘郎何用悲秋色祇此傷春髮已華

太湖恬亭

檻臨溪上綠陰圍溪岸高低入翠微日落斷橋人獨立
水涵幽樹鳥相依清游始覺心無累靜處誰知世有機
更待夜深同徙倚秋風斜月釣船歸

垂虹亭

坐覺塵襟一文空人間似得羽翰通暮天窈窕山嚙日
爽氣駸駸客御風草木韻沉高下外星河影落有無中
飄然更待乘桴伴一到扶桑興未窮

鍾山西庵白蓮亭

山亭新破一方苔白帝留花滿四隈野艷輕明非傅粉
秋光深淺不憑杯鄉窮自作幽人伴歲晚誰為靜女媒
可笑遠公池上客却因秋菊賦歸來

次韻舍弟賞心亭即事二首

檻亦蒼傾野水傍臺城佳氣已消亡難披榛莽尋千古
獨倚青冥望八荒坐覺塵沙昏遠眼終看風雨破驕陽
扁舟此日東南興欲盡江流萬古長

霜氣消磨不復存舊朝臺殿祇空村孤臣倚薄青天近
細雨侵凌白日昏稍覺野雲乘晚霽却疑山月是朝暎

此時江海無窮興醒客忘言醉客喧

寄題思軒

名郎此地昔徘徊天誘良孫接踵來萬屋尚歌餘澤在
一軒還向舊堂開右軍筆墨空殘沼內史文章祗廢臺
邑子從今誇勝事豈論王謝世稱才

華嚴院此君亭

一徑森然四座涼殘陰餘韻興何長人憐直節生來瘦
自許高才老更剛曾與高齋同雨露終隨松柏到冰霜
煩君借此根株在乞與俗倫學鳳凰

紙閣

借借

聯屏蓋障一尋方南設鈎簾北置床側坐對鋪紅絮煖
仰窻分啓碧紗涼甃虛易以板蒸爛錦幄終於草野妨
楚穀越藤真自稱每狗因得減書囊

垂虹亭

宛、虹霓隨筆空銀河直與此相通五更縹緲千山月
萬里凄涼一笛風鷗鷺稍回青霽外汀洲特起綠蕪中
騷人自欲留佳句忽憶君詩思已窮

杭州清風閣

趙清獻

庭有松蘿砌有苔退公聊此遠塵埃潮音隱、海門至
泉勢湧、石縫來夜榻衾稠仙夢覺曉牕燈火滿書開

休官不久輕舟去喜過嚴陵舊釣臺

清獻亦喜游學故有第六句其人可敬不止於詩

和稚子與諸生登北都城樓

元章簡

朔風刮面歲華迺閑擁豐貂一倚樓四野凍雲隨地合
九河清浪着天流諸君略住方乘興吾土雖非亦解憂
更得青衿雅雅唱連章彩筆闡銀鈎

五六用更亮王
樂語其佳如此

寄題徐都官新居假山

梅聖俞

太湖萬穴古山骨共結峯嵐勢不孤苔徑三層平木末
河流一道接墻隅已知谷口多花藥抵久林間落狃麕

誰侍中構此遊樂里中遺老肯相呼

自然亭

張伯常

又雨妨漁復滯樵自然亭上一道遙萬緣不自閑中起
百事唯於睡裏消老去自知如蠖蟻病來誰悟似芭蕉
愛名之世忘名客幸有山林舊雨朝

張微字伯常陳留人實七元
年進士甲科司馬公同年

已酉中秋任才仲陳去非會飲岳陽樓上酒半酣高談
大笑行草間出誠一時俊遊也為賦之 姜兆亨

岳陽樓高幾千尺俯視洞庭方酒酣萬頃波光天上下
兩山秋色月東南興來鸞鶴隨行草夜來魚龍動笑談

我欲煩公釣鱉手盡移雲木到松庵

美什諸州人陳簡齋集有此題三人
真奇會也松庵者光孝之號故尾句云

思杜亭

十里松陰古道場一亭還復枕瀟湘
詩窮至死憂唐室野客于今吊耒陽
總戶雲生山雨集巖溪花發曉風香
不惟臨眺添惆悵自是年來鬢已霜

第三句
最佳

竹堂

張純立

誰道清貧守冷官遠家十萬翠琅玕
直應流水深相與不待清風已自寒
學得鳳鳴真自許化成龍去不知蟠
知君何事無來客可是王郎獨與歡

登滕王閣

曾幼度

故閣崢嶸已劫灰又看新閣上煙煤
斷碑無日不濃墨古砌雖秋猶淺苔
江濶鳥疑飛不過風輕帆敢趁先開
天高眼迥詩囊小收拾不多空一來

曾舉梅齋吉州人有蘇督集詩頗甚
揚誠齋佳者不止此也五六最佳

章少機建小閣用程伯強韻

何月湖

樓居草、假三間便覺星辰手可攀
最喜坐中先得月不妨睡處也看山
林疎啼鳥秋彈曲天闊飛鴻曉捲班
對鏡清吟無限好典衣冷債幾時還

何異字同反梅州崇作人紹熙臺諫慶元
禮待嘉定二書年八十餘月湖其號也

題李國博東園

東園吟思玉蟾清
園客開門古意生
冰硯雲燈深洞宇
秋花秋草舊宮城
人藏密樹尋聲見
鷺下寒池照影驚
三十分司泉石主
馬蹄塵外得聞名

題環翠閣

環翠閣中無點埃
盡收清致助吟才
溪頭月落漁煙散
岸口城低野色來
斜檻半依秋樹出
小牕知為北山開
沙禽占水閑相趁
悞入疎簾靜却回

小亭

葛無懷

小亭終日對幽叢
兀坐無言似定中
蒼蘚靜連湘竹紫

綠陰深映蜀葵紅
猶來戲捉穿花蝶
雀下偷啣卷葉蟲
斜照尚多高柳少
明年更欲種梧桐

五六工則工矣却似答對取此為戒第四句好

寄題薛象先新樓

陳止齋

矮簷風雨送蝸牛
有客來誇百尺樓
闔郡臺池皆下瞰
背城湖海亦全收
清時未放徒高臥
半世何為故倦遊
解盡橐金君計決
月明長笛起漁舟

陳水雲與造物遊之樓

趙師秀

何處飛來縹緲中人問
惟有畫圖同兩層
簾幙垂無地
一片笙簫起半空
岸竹低添秋水碧
渚蓮平接夕陽紅

遊人未達蒙莊旨虛倚闌干面之風

此樓在永嘉近城兩層
一片頗俗五六亦可觀

瀛奎律髓卷之三十五終

瀛奎律髓卷之三十一

論詩類

詩人世豈少哉而傳於世者常少由立志不高也用心不苦也讀書不多也從師不真也喜為詩而終不傳其傳不傳蓋亦有幸不幸而其必傳者必出手前所云之四事今取唐宋詩人所論著列于此與學者共之

五言

苦吟

世間何事好最好莫過詩一句我自得四方人已知生

杜荀鶴

應無輟日死是不吟時始擬歸山去林泉道在茲

喜陸少監入京

姜梅山

昔人思老杜長恨不相隨還寄有劉白同吟惟陸皮物
睽終必合句妙却難追試問長安陌何如灞岸時

范大參入覲頗愛鄙作以詩謝之

問句石湖老如將日指標枯中說滋味高處戒虛驕頗
許唐音近寧論漢道遙正聲今在耳萬樂聽蕭韶

七言

鄉有好事者出君謨行草八分書數幅中有梅聖俞詩一首因成拙句以識二美

杜祈公

杜祈公

莆田筆健與文豪在愛南山縣詠高欲使英辭長潤石
每逢佳句即揮毫沛如韶漢諧音律逸似鸞皇振羽毛
義獻有靈應悵望當時不見此風騷

太師相公篇章真草過人遠甚而特獎後進流于

詠言輒依韻和

梅聖俞

杜詩嘗說少陵豪祖德兼誇翰墨高蘇李勳如令侍席
鍾王北面使持毫效麟作瑞唯逢趾天馬能行不辨毛
一誦東山零兩句無心更學楚離騷

子美祖審言嘗自謂我詩可使蘇李為奴書可使鍾王北面

送朝天集歸揚誠齋

姜美章

翰墨場中老斲輪縱橫一筆掃千軍年以花月無閑日
處以江山怕見君箭在的中非爾及風行水面偶成文
先生只可三千首回施江東日暮雲

白石道人夢字堯章饒州人千歲請公以其文
妻之當時甚得詩名幾於亞蕭尤揚陸范者予
嘗與南昌陳杰詩夫論詩則其詩葉則大不然
堯章自能按曲為詞甚佳詩不應詞遠甚予選
其詩亦此一首合
予意容更詳之

瀛奎律髓卷之三十六終

瀛奎律髓卷之三十七

技藝云類

書畫琴棋巫鑿卜筮百工技巧史為立傳以藝
之難臻也唐宋以來挾一藝遊公卿之門因詩
以得名者不少馬豈可以小技易視之哉

五言

詠郡齋壁畫片雲得歸字

岑參

雲片何人畫塵侵粉色微未曾行雨去不見逐風歸只
怪偏凝壁回看欲染衣丹青欲借便移向帝鄉飛

草書景嵐

韓致光

何處一屏風分明懷遠蹤雖多塵色染猶見墨痕濃
石奔秋澗寒藤掛古松若教臨水畔字字恐成龍
七言

畫真來嵩

梅聖俞

廣陵太守歐陽公今爾畫我憔悴容便傳髮鬢在綠素
又欠勁直藏心骨與以貨布不肯受比之鑿下曾非庸
公今許爾此一節爾只丹青期亦逢

次韻吳仲庶省中畫壁

王半山

畫虎雖非顧虎頭畫能滿壁畫滄洲九衢京洛風沙地
一片江湖草樹秋行數角小鰓賓共樂臥看鷗鳥走方休

知君定有扁舟意却為丹青肯少留

和仲庶池州齊山圖

省中何忽有崔嵬六幅生綃坐上開指點便知巖穴處
登臨新作使君來雅懷重向丹青得勝勢兼隨翰墨回
更想杜郎詩在眼一江春雪下離堆

次韻平甫贈三靈程惟象

家山松菊半荒蕪杖策窮年信所如占見地靈非卜筮
筭知人貴自陶漁久諳郭璞言多驗老比顏含意更踈
祗欲勒成方士傳借君名姓在新書

贈李士寧道人

季主逡巡居卜肆，彌明解后作詩翁。曾令朱買作亭上，更使劉侯驚坐中。杳無人傳多異事，冥誰識此高風。行歌過我悲無謂，惟恨貧家酒盞空。

贈三靈程道人

王平甫

三靈山下新安水，瀟灑人間畫不如。收得市朝忙日月，歸來田里老樵漁。君能知命忘機久，我愧干時觸事疎。從此卜鄰同笑傲，何須強著解嘲書。

贈善相程傑

蘇東坡

心傳異學不謀身，自要清時閱縉紳。火色上騰雖有數，急流勇退豈無人。書中苦覓元非訣，醉裏微言却近真。

我似樂天君記取，華顛賞徧洛陽春。

贈虔州術士謝晉臣

屬國今從海外歸，君平且莫下簾帷。前生恐是盧行者，後學過呼韓退之。死後人傳戒定慧，生時宿直斗牛箕。憑君為算行年看，便數生時到死時。

贈童道人蓋與予同甲子

陸放翁

吾儕之生乙巳年，達者寥々同比肩。退士一生藜藿食，散人萬里江湖天。忍貧不變我自許，挾術自營君豈然。一事尚須煩布策，幾時能具釣魚船。

元註方謀買一小舟未得也

贈徐相師

許負遺書果是非子憑何處說精微使君豈必如椰大
丞相元來要瓠肥袖闊田常籠短刺有寒春未換單衣
半頭布袋挑詩卷也道游京賣術歸

後四句曲盡近時術士窮態三四亦好

贈傅神水鑑

寫照今誰下筆親喜君分得臥雲身口中無齒難藏老
頰上加毛自有神誤遣汗青成國史未妨着句號山人
他時更欲求竒迹畫我溪頭把釣緜

元註水鑑寫予真作幅巾白道衣中西句皆佳時在史局

瀛奎律髓卷之三十七終

瀛奎律髓卷之三十八

遠外類

汲冢周書有王會圖周官有象胥舌人之職漢
鉤醬邛竹蒲葍首蓓安石摠皆自外國至遠人
慕化而來使人將命而出以柔以撫其事不一
形諸賦詠詭異譎觝於唐為多宋亦不無也

五言

送褚山人歸日東

賈浪仙

懸帆待秋色去入杳冥問東海幾年別中華此日還岸
遙生白髮波盡露青山隔水相思在無書也是閑

送黃知新歸安南

池亭沈飲徧非獨曲江花地遠路穿海春歸冬到家火
山難下雪瘴土不生茶知決移來計相逢期尚賒

送朴處士居新羅

顧非熊

少年離本國今去已成翁客愛孤舟裏鄉山積水東
沈崩巨岸龍闢出遙空學得中華語將歸誰與同

日東病僧

項斯

雲水絕歸路來時風送船不言身後事猶坐病中禪
深壁藏燈影空牕出艾煙已無鄉土信起塔寺門前

曲盡外國僧
老病之味

貢院鎖宿聞呂員外使高麗贈送徐騎省

聖化今無外征途莫憚賒揚帆箕子國駐節管寧家
去伴千年鶴歸途八月旌離情限華省持此待踈麻

送新羅使

張司業

萬里為朝使離家經幾年應知舊行路却上遠歸船
夜泊避蛟窟朝炊求島泉悠々到鄉國還望海西天

贈東海僧

別家行萬里自說過扶餘學得中州語能為外國書
與醫收海藻持呪取龍魚更問同來伴天台幾處居

送人遊日本國

方玄英

蒼茫大荒外風教却難知連夜揚帆去經年別岸遲波濤合左界星斗定東維或有歸風便當為相見期

第四句佳然今自明州定海出昌國往寧波六七日耳歲惟有此一番風往來也終年也

送僧歸日本國

吳融

滄溟分故國渺漭一杯歸天盡終期到人生此別稀無風亦駭浪未午已斜暉繫帛何須鴈金烏日自飛

送朴山人歸新羅

馬戴

浩渺行無極拂帆但信風雲山過海半鄉樹入舟中波定遙天出沙平遠岸窮離心寄何處目斷暮霞東

王昭君

劉中叟

斂袂出明光琵琶道路長初聞胡騎語未解漢宮粧薄命隨塵土元功屬廟堂蛾眉如有用慚愧羽林郎

劉裁意蓋劉次非也長沙人以開梅山入洞曉諭得官熙寧七年賜同進士出身任至待御江

送僧歸新羅

姚鵠

森、萬餘里帝舟發落暉滄溟何處別白首此時歸寒暑途中變人煙嶺外稀驚天巨黿關蔽日大鵬飛雲入行沙縷雲生坐石木漢風深得習休悵本心遠

七言

送源中丞克新羅國冊立使

劉夢得

相門才子稱華簪持節東行捧德音面帶霜威辭鳳闈
口傳天語到雞林煙開熬背子尋碧日落鯨波萬頃金
想見扶桑受恩後一時西拜盡傾心

百濟新羅後皆為高麗
併此詩中四句全佳

贈日本僧智藏

浮杯萬里過滄溟通禮名山適性靈深夜降龍潭水黑
新秋旅鶴野田青身無彼我那懷土心會真如不讀經
為問中華學道者幾人雄猛得寧馨

三四道麗五
六有議論

送和蕃公主

張司業

塞上如今無戰塵漢家公主出和親
邑司猶屬宗卿寺冊號還同虜帳人
九姓旗幡先引路一生衣服盡隨身
毘城南望無回日空見沙蓬水柳春

崑崙兒

崑崙家住海中洲蠻客將來滿地遊
言語解教秦吉了波濤初過鬱林州
金環欲落曾穿耳螺髻長拳不裹頭
自愛肌膚黑如漆行時半脫不綿裘

此所謂崑崙兒
即今之黑馬也

羸奎律髓卷之三十八終

羸奎律髓卷之三十九

消遣類

莊子曰今人之意也消有所不平焉而不能消則褊狹矣衛玠曰非意相干可以理遣有所不堪焉而不能遣則怨怒矣詩人多有所謂消愁遣興之作必深達物理世故人情天道者乃能為真消遣之言否則非由衷也

五言

可惜

花飛有底急老去願春遲可惜歡娛地都非少壯時

杜工部

心應是酒遣興莫過詩此意陶潛解吾生後汝期

看高洛有嘆

白樂天

今日看高洛回頭嘆世間榮華急如水憂患大於山見
苦方知善經忙始變閑未聞龍裏鳥飛去肯飛還作急

夜飲

李商隱

卜夜容衰鬢開筵屬異方燭分歌扇淚雨送酒船香江
海三年客乾坤百戰場誰能辭酪酏淹臥劇清漳

孤學

陸放翁

孤學雖遺俗猶為一腐儒家貧占力量夜夢驗工夫正
欲安三涇寧忘奏六符殘年知有幾自恠尚區區

七言

感興

白樂天

吉凶禍福有來由但要深知不要憂只見火先燒潤屋
不聞風浪覆虛舟名為公器無多取利是身災合少求
雖異匏瓜難不食大都足食早宜休

魚能深入無憂釣鳥解高飛豈觸羅罽處是爭炙手去
悔時其奈噬臍何樽前誘得猩猩血幕上偷安燕窠
我有一言君記取世間唯有苦人多

閑臥有所思

向夕褰簾臥枕琴微涼入戶起開襟偶因明月清風夜

忽想遷臣逐客心何處投閑初恐懼誰人遠澤正悲吟
始知洛下分司坐一日安閑直萬金

推門要路足身災散地閑居少禍胎今日憐君嶺南去
當時笑我洛中來蟲全性命緣無毒木盡天年為不才
大抵吉凶多自致李斯一去二疏回

此是九年十一月二十一日感事而作

禍福茫茫不可期大都早退似先知當君白首同歸日
是我青山獨往時願索素琴應不暇憶牽黃犬定難追
麒麟作脯龍為醢何似泥中曳尾龜

元註其日獨遊青山寺

放言

朝真暮偽何人辨古往今來底事無但識臧生能詐聖
可知甯子解佯愚草螢有耀終非火荷露雖圓豈是珠
不取燔柴兼照乘可憐光彩亦何殊

世途倚杖都無定塵網牽纏卒未休禍福迴還重轉
榮枯反覆手藏鈎龜靈未免剝腸患馬失應無折足憂
不信君看奕碁者輸贏須待局終頭

贈君一法決狐疑不用鑽龜與祝著試玉要燒三日滿
辨才須待七年期周公恐懼流言後王莽譏恭未篡時
向使當時身便死一生真偽復誰知

誰家第宅成還破何處親賓哭復歌昨日屋頭堪炙手
今朝門外好張羅北邙未畱留閑地東海何曾有定波
莫笑賤貧誇富貴共成枯骨兩如何
泰山不要欺毫末顏子無心羨老彭松樹千年終是朽
撞花一夕自為榮何須戀世常憂死亦莫嫌身漫厭生
生去死來都是幻幻人哀樂係何情

即日

韓致光

動非求進靜非禪昨口吞聲過十年溪漲浪花如積石
雨晴雲葉似連錢千戈歲久請戎事枕簟秋深減夜眠
攻苦慣來無不可寸心如冰但澄鮮

惜春

願言未偶非高臥多病無心選勝遊一夜雨聲三月盡
萬般人事五更頭年踰弱冠即為老節過清明却似秋
應是西園花已落滿溪紅片向東流

殘春旅舍

旅舍殘春宿雨晴恍然心地憶咸京樹頭蜂抱花鬚落
池面魚吹柳絮行禪伏詩魔歸淨域酒衝愁陣出奇兵
兩朵兔被塵埃汗拂拭朝簪待眼明

春中湘中題岳麓寺僧舍

羅隱

蟾宮虎穴兩皆休來凭危欄送遠遊多事林營還謾語

薄情邊鴈不回頭春融只待乾坤醉水凋深知世界浮
欲共高僧話心跡野花芳草奈相尤

帶照諫生當亂離多
不得志哀怨之言

下第

羅鄴

謾把青春酒一杯愁襟未信酒能開江邊依舊空歸去
帝里還如不到來門掩殘陽鳴鳥在花飛何處好池臺
此時惆悵便堪老何用人間歲月催

唐人下第情懷有如此者一
名一第後天下士亦可於矣

安定城樓

李商隱

迢遞高城百尺樓綠楊枝外盡汀洲賈生年少虛垂涕

王粲春來更遠遊求憶江湖歸白髮欲回天地入扁舟
不知腐鼠成滋味猜意鷓鴣竟未休

十二月十七日移病家居三首

張寔丘

老去塵懷痛洗漸虛舟不繫任涸涔寸心若變有如日
萬事不憂終在天莫為飢寒棄南畝須知糖棗有豐年
桃符依子喧閭巷文向江城一歲捐

憑高遊目快遐瞻落日孤雲與水蒸萬頃澤空供雪意
一枝梅笑破冬嚴華蒼未減飛揚興引滿何辭斗石添
楊柳催春熟警客荊南照影弄纖纖

從今羞復立功名箇莽因循已半生心遣我愚應有謂

眼看人智亦何成
夢為胡蝶因觀化
目送飛鴻謾寄情
堪笑妻兒懷土志
詢期未滿已流行

此三詩黃州時作消愁遣興頃
時建在引物解類前輩多有之

和堯夫打球吟

程明道

打球非是更安身
道大方能混世塵
陋巷一生顏氏樂
清風千古伯夷貧
客來且妙多藹老
天為詩家剩借春
儘把笑談親俗子
德容猶足長鄉人
聖賢事業本經綸
肯為巢由繼後塵
三幣未回伊尹志
萬鐘難換子真貧
且因經世藏千古
已占西軒度十春
時止時行皆有命
先生不是打球人

邵堯夫一世豪傑而安於閑退理數之學肯中
后然時適有生如明道者知之伊尹伯夷顏子
孟柯其志也
小大說話

寓嘆

陸放翁

俗心浪自作琴絲
世事元知似奕碁
舊業蕭然歸亦樂
餘生至此死何悲
古人可作將誰慕
造物無心豈自私
已决殘春故流去
短策垂釣月明時

一作溪

後寓嘆

貂蟬未必出沈黎
要_是蒼鷹已下鞞
彭澤竟歸端為酒
輕車已老豈須侯
千年精衛心平海
三日於菟氣食牛
會與高人期物外
摩挲銅狄滿陵秋

前詩三四佳後詩六句豪俊嘉泰
三年癸亥翁年七十九在朝

初歸雜詠

雪滿漁蓑雨墊巾超然無處不清真胸中那可有一事
天下故應無兩人騎馬每行秋棧路喚船還渡暮江津
酒樓僧壁留詩遍八十年来自在身

齒豁頭童儘耐嘲即今爛飯用匙抄米門漫設千杯酒
青壁寧無一把茅偶爾作官羞問馬類然對客但稱猶
此時定向山中死不用磨錢擲卦交

元註磨錢擲卦交蜀龍昌期
語也此翁七十九歸老詩

龜堂獨坐遣悶

放逐還山八見春枯顛搞頂雪霜新大來不解除家氣
凡眼安能識貴人食有淖糜猶足飽衣存短褐未全貧
北牕坐臥君無笑拈起烏藤捷有神

遣興

莫笑龜堂磊砢骨此中元可貯虛空尚饒靈運未成佛
那計辛毗不作公采藥偶逢丹非客買蓑因過三雲翁
不須更問歸何許散髮飄然萬里風

書興

占得溪山下數椽飽經世故氣猶全入門明月真堪友
滿榻清風不用錢便死也勝千百輩少留更望二三年

湖橋酒美能來醉一掉何妨作水仙

翁是年有詩云老出鄉間古負過仕宦初亦佳句蓋已八十四矣

遺興

幾看人間歲月新釣船猶繫鏡湖濱曾穿高帝朝元仗却作山陰版籍民留病三分嫌太近忍飢半日未全貧早知畫錦能為崇翁子終身合負薪

畫齋壁

平生憂患苦縈纏菱刺磨成艾實圓天下不知誰竟是古來唯有醉差賢過堂未悟鐘將響晚社誰知壁偶全自笑為農行沒世尚如鷺鴈落空絃

遺興

侯印從來非所圖赤丁子亦不容呼着低怯對新碁敵量減愁添舊酒徒生世豈能常役、酣歌且復和鳴、扁舟到處皆吾境莫問桐江與鏡湖

家住城南剡曲傍門前山色蘸湖光三朝執戟悲年壯二頃扶犁樂歲穰名姓已隨身共隱文辭終與道相忘子孫勉守東臯業小斲吳粳底樣香五六好議論

雜興

散髮林間萬事輕夢魂安穩氣和平只知秋菊有佳色那問荒雞非惡聲達士招呼同嘯傲福人分付與功名

一篇說盡道遙理始信蒙莊是達生

信筆

范石湖

天地同浮水上萍
羲娥迭耀案頭螢
山中名器兩芒屨
花下交朋雙玉筍
童子昔曾誇了了
主翁今但語惺惺
歸田贏得都無事
輸與諸公汗簡青

尾句是出處
之問有云云

請息齋書事

覆雨翻雲轉手成
紛々輕薄可伶生
天無寒暑無時令
人不炎涼不世情
栩栩算來俱蝶夢
啾啾能有幾雞鳴
水山側畔紅塵漲
不隔瑤臺月露清

刻木牽絲罷戲場
祭終雨後兩相忘
門雖有雀尚廷尉
食已無魚休孟嘗
虱裏趨時真是賊
虎中宣力任為俵
籬東舍北誰情話
雞語鷓鳴意却長

聚蚋醢邊鬧似雷
乞兒爭肯向寒灰
長平尖勢見何晚
栗里息交歸去來
休問江湖魚有沫
但期雲水鶴無媒
岩扉岫幌牢扃鎖
不是漁樵不與開

今詳石湖此四詩乃淳熙十二年
年乙巳正月作時年六十歲也

孤山寒食

趙師秀

三月芳菲在水邊
旅人消困亦隨緣
晴舒蝶羽初勻粉
雨壓楊花未放綿
有句自題閑處壁
無錢難上貴時船

最怜隱者高眠地日日春風是管絃

趙紫芝之戀西湖以終其生錢塘詩人大率如此當時昇平看人富貴以一身混其中亦不為大無聊也

羸奎律髓卷之三十九終

羸奎律髓卷之四十

兄弟類

七言 七首

喜敏中及第偶示所懷

白樂天

自知群從為儒少豈料詞場中第類桂折一枝先許我
揚穿三葉盡驚人轉於文墨須留意貴向煙霄早致身
莫學我兄年五十蹉跎始得掌絲綸

敏中新授戶部員外郎西歸

千里歸程三伏天官新身健馬翻行衝赤日加飡飯
上到青雲穩着鞭長慶老郎唯我在客曹故事望君傳

前鴻後鴈行難續相去迢三二十年

送二十兄還鎮江

李巽伯

此行檢校幽棲事佳處知公故未忘新筭豈應過毋大
舊松想已及人長老來對客須靈照貧後持家藉孟光
世亂身危何處是二年孤負北牕涼

李處權字巽伯洛陽人邯鄲公淑之後有崧庵
集宣和間與陳叔易朱希真以詩名南渡後嘗
領三

布作高陽臺衆樂園成被命與金陵易地兄弟
待罪侍從對更方面實為私門之慶走筆寄子
開弟

曾子宣

樓臺丹碧照天涯塞北江南未足誇千里煙波方種柳
萬株桃李未開花一麾同下西清路兩鎮高迎上將牙
回首林塘莫留戀風光還屬阿連家

肇謹次元韻

曾子開

文物河間信可嘉風流江左亦堪誇水南水北千竿竹
山後山前二月花久愧迂儒懷郡紱聊須雋老駐軍牙
兩州耆舊無多恠魯衛從來是一家

此事古今希有曾布子宣守高陽希肇子開守
金陵兩易將吏交迎送於途誠盛事也後子宣
相子開當制尤盛事也又其後居京
口先後一日卒惜子宣為小入之相

示長安君

王半山

少年離別意非輕老去相逢亦愴情
草、杯盤供笑語昏、燈火話平生
自憐湖客三年隔又作塵沙萬里行
欲問後期何日是寄書應見鴈南征

宋匪躬太祝先輩示及劉貢父伯仲三人同年登第之詩因奉一篇

王平甫

六朝文物事當奇闕闕如今舉世推射策入爭看三虎
薦書言早識孤鷲集英曉日臚傳後瓊苑春風宴喜時
共羨絲綸歸世掌還開駉隔鳳凰池

元註大祝京西第
一薦時子為考官

瀛奎律髓卷之四十終

瀛奎律髓卷之四十一

子息類

五言

卜歲日喜談氏外孫女孩滿月

白樂天

今日夫妻喜他人豈得知自嗟生女晚敢訝見孫遲
物以稀為貴情因老更慈新年逢吉日滿月乞名時
桂燎熏花果蘭湯洗玉肌懷中有可抱何用是男兒

阿雀兒詩

謝病臥東都羸然一老夫孤單同伯道逢見過商賈豈
料髮成雪方看掌上珠已衰寧望有雖晚亦勝無蘭入

前春夢桑傳昨日孤里問多慶賀親戚共歡娛臆刺新
胎髮香細小繡襦玉牙開手爪酥顆點肌膚乳氣初離
殼啼聲漸變雛何時能反哺供養白頭烏

元白皆苦無子樂天晚得此子後亦天也詩人窮却形容無所不至晚乃所以竊此子歟

詠姦子

嚴維

嘉客會初筵宜時魄再圓眾皆含笑戲誰不點頰憐綉
被花堪摘羅縵色欲妍將雛有舊曲還入武城絃

楊本勝說於長安見小兒阿衰
李商隱

聞君來日下見我最嬌兒漸大帝應數長貧學恐遲寄
人龍種瘦失母鳳鵠癡語罷休邊角青燈兩鬢絲

小孫納婦

姜梅山

慶事集朋親孫枝喜氣新歌雲停碧落舞雪眩青春暖
日花君子清梅酒聖人一春行樂地不負牡丹辰

此翁樂哉為人祖而見孫納婦貧亦樂也而况富貴乎

哭開孫

陸放翁

學步漸扶床乘車已駕羊虛稱砌臺史不遇玉函方香
杳天難問茫茫夜正長寂寥誰伴汝蕭寺閉空房

七言

子與微之老而無子發於言嘆著在詩篇今年冬各有一
子戲作二什一以相賀一以自嘲
白樂天

常憂到老都無子何況新生又是兒陰德自然宜有慶
皇天可得道無知一園水竹全為主百卷文章更付誰
莫慮鴛鴦無浴處即應重入鳳凰池
五十八翁方有後靜思堪喜亦堪嗟一珠甚小還慙蚌
八子雖多不羨鴉秋月晚生丹桂實春風初長紫蘭芽
持盃願祝無他語慎勿頑愚似汝爺

樂天生於大曆七年壬子此年太和三年己酉
年五十八歲徵之小樂天七歲是年五十一

哭崔兒

掌珠一顆兒三歲髮白千莖父六旬豈料汝先為異物
常憂吾不見成人悲腸自斷非因劍啼眼加昏不是塵

懷抱又空添默默依然重作鄧攸身

六十無子不容
不悲人憐也

戲題贈二小男

劉長卿

異鄉流落頻生子幾許悲歡併在身欲識老容羞白髮
每看見戲憶青春未知門戶堪誰主見免琴書與別人
何幸暮年方有後舉家相對却沾巾

第四句已佳五
六句全似樂天

相使君第七男生日

娶妻生子復生男獨有君家衆所談荀氏八龍唯欠一
桓生四鳳已過三他時聲盡聲名著今日懸弧宴樂酣

誰道衆賢能繼體須知箇、出於藍

賦第七男用事造語巧綴然昌黎五男兒亦如此形狀不可棄也

寄二子

陸放翁

大兒新作鶴林遊仲子經年戍吉州日、望書常至意
時、入夢却添愁得官本自輕齊虜對景寧當似楚囚
識取乃翁行履處一生任運笑人謀

瀛奎律髓卷之四十一終

瀛奎律髓卷之四十二

寄贈類

遠而有寄面而有贈有寄贈則有酬答不專取
諛取詩律之精而已

五言 三十九首

答李司戶

宋之問

遠方來下客輪軒攝使臣弄琴宜在夜傾酒貴逢春駟
馬留孤館雙魚贈故人明朝散雲雨遙仰德為鄰

贈昇州

金陵王使君忠臣

李太白

六代帝王國三吳佳麗城賢人當重寄天子借高名巨

海一邊靜長江萬里清應須救趙策未肯棄侯贏

盛唐人詩氣魄廣大晚唐人詩工夫緻細善學者能兩用之一出一入則不可及矣此詩比老杜律雖寬而意不迫

忝職武昌初至夏口書事獻府主 竇鞏

白髮放棄鞏韃梁王舊愛全竹籬江畔宅梅雨病中天時
系登臨宴閑修上水船時人興謗易莫遣鶴猶錢

此所謂府主乃元稹微之也元以故相為武昌節度固請友封為副戎除秘少兼中丞以從鶴者友封自謂也

戲酬副使中丞見示四韻 元微之

莫恨暫棄韃交游幾箇全眼明相見日肺病欲秋天五

馬虛盈極雙蛾淚滿船可憐俱老大無處用閑錢

微之時為武昌節度檢校戶部尚書未幾卒於任

微之見寄與竇七酬唱之什本韻外 加兩韻

白樂天

旌鉞從橐鞬宿僚情禮全夔龍來要地鴛鴦下寥天
汗騎驕馬青娥舞醉仙合成江上作散作洛中傳窮巷
能無酒貧池却有船春裝秋未寄漫道足閑錢

合音問樂天時為河南尹和此詩

酬恩黯戲贈

鍾乳三千兩金釵十二行妬他心似火欺我鬢如霜慰

老翁歌笑銷愁仰酒漿眼看狂不得狂得且須狂

元註恩黜自云前後眼鍾乳三千兩甚得力而歌舞之技頗多來詩誰子羸老故感吞之

裴晉公度

出佐青油幕來吟白雪篇須為九臯鶴莫上五湖船

自稱鶴乘云故態君應在新聲我亦便成歸鄂州初款元治船裝故也

侯看再入好被暫留連

和寄寶七中丞

仙吏秦娥別新詩鄂渚來才推今八斗職賦舊三台

今孤楚

鏤心備許緘封寺自開何年相贈答却得到中臺

今孤楚時為吏部尚書和此詩以前任戶部尚書交為當同員外郎故第四句所云如此觀此五言詩足見一時人物風流之盛

過劉員外別墅

皇甫曾

謝容開山後郊扉水去通江湖千里別衰老一樽同返

照寒川滿平田暮雪空滄洲自有趣不復哭途窮

寄劉員外

南憶新安郡千山帶夕陽斷猿知夜久秋草助江長

髮應成素青松獨見霜愛才稱漢帝題柱在田郎

此所謂新安者唐之睦州今之嚴州今稱嚴為新安郡在唐時二郡總亦稱新安也

喜皇甫侍御相訪

劉長卿

荒村帶晚照，落葉亂紛紛。
古路無行客，空山獨見君。
野橋經雨斷，澗水向田分。
不為憐同病，何人到白雲。

劉長卿詩細淡而不顯，煥觀者當緩味之，不可造次一觀而已也。

酬皇甫侍御見寄前相國姑臧公初臨郡

離別江南北，汀洲葉再黃。
路遙雲共水，砧迥月如霜。
歲儉依仁政，年衰離故鄉。
佇看宣政召，漢法倚張綱。

第五句不涉風物未嘗不新

酬包諫議見寄之什

江郡媿頑疎，殊方親里閭。
家貧寒未度，身老歲將除。
過

雪山僧至依陽野，客舒藥陳隨。
遠宦梅發對幽居，落日棲鴉鳥。
行人遺鯉魚，高文不可和。
空媿學相如。

包估謫病寄詩此所和也

敬酬李判官使院即事見呈

岑參

公府日無事，吾徒只是閑。
草根侵柱礎，苔色上門關。
映硯時鳥卷，簾晴對山新。
詩吟未足，昨夜夢東還。

天寶年間詩皆如此飽滿

送張南史 一云寄李紱

郎士元

雨餘深巷靜，獨酌送殘春。
車馬雖嫌僻，鶯花不厭貧。
蟲絲黏戶網，鼠跡印床塵。
問道山陽會，如今有幾人。

贈劉又

自君離海上垂釣更何人獨宿空堂雨閑行九陌塵
時會變姓救難似嫌身何處相期宿咸陽酒市春

姚合

劉又豪俠之士嘗殺入亡命此詩殆又之真像也

贈張質山人

先生居處僻荆棘與墻齊酒好寧論價詩狂不著題
燒成度世藥踏盡上山梯懶聽閑人語爭如吞鳥啼

世間多惟人喜吟詩而不物者多有之

贈姚合少府

張司業

病來辭赤縣案上有丹經為客燒茶竈教兒掃竹亭詩

成添舊卷酒盡臥空瓶閣下今遺逸誰瞻隱士星

寄孫冲主簿公

低折滄洲薄無書整兩春馬從同事借妻伯罷官貧道
僻收閑藥詩高笑古人仍聞長吏奏表乞鎖廳頻

中四句賈浪仙相似姚此句未及也

贈任懶

未肯求科第深坊且隱居勝遊尋野客高臥看兵書
點藥醫閑馬分泉灌遠蔬漢庭無得意誰擬薦相如

中四句

贈喻龜

方玄英

所得非衆語衆人那得知纔吟五字句又白幾莖鬢月
閣歌眠夜霜軒正坐時沉思心更苦恐作滿頭絲

貽錢塘縣路明府

志業不得力至今猶苦吟成五字句用破一生心世
路屈聲遠寒溪怨氣深前賢多晚達莫怕鬢霜侵

志業一作至學又白幾莖鬢之聯與
用破一生心之聯意相似而破字未佳

中路寄喻鳧

求名如未遂白路亦難歸送我樽前酒與君身上衣寒
蕪隨楚盡落葉渡淮稀莫嘆千時晚前心豈便非

盡一作閑三四見
晚唐詩人其貧如此

永州寄翁靈舒

徐道暉

古郡百蠻邊蒼梧九點煙去家疑萬里歸計在明年風
順眼聽角樓高望見船筠州當半道長得秀詩篇

第六句外眼前
事似道着便新

寄筠州趙紫芝推官

府後巖巒衆何時訪石仙升甘鄰室共鐘遠雪風傳病
去茶難廢詩多石可鐫蜀江春未動猶得緩歸船

見楊誠齋

徐致中

名高身又貴自住小村深清得門如水貧惟帶有金
生非藥餌常語盡規箴四海為儒者相逢問信音

三四佳

寄酬葛天民

翁靈舒

常日已清癯那兼日未除傳來五字好吟了半年餘鐵
柱天人觀梅花處士廬江湖正相隔歲晚更愁予

贈滕處士

識君戎馬際今又十年餘環海繞安息先生便隱居清
風三畝宅白日一床書長是閉門掩鄰僧亦不如

贈葛天民

燕本昔如此清名千載垂誰將囊米施自拾束薪炊柳
影連蓬閣湖波浸竹籬朝昏無別事只是欲吟詩

寄幼安

周信道

我屋與君室濟河南北州相逢楚天晚却看蜀江流老
境渾能迥妖氛竟未收何時一屢地歸種故園秋

信道與幼安俱濟南人故所作云耳
詩意慷慨當阜陵之時思中原可也

次韻和李長學正月二十八日出郊見寄之作

宋景文

雅俗傳祠日

州人以二十八日祠保壽
侯及唐杜丞相于崇真堂

年華重冥辰初

陽澹江霧小雨破街塵
是日雨而不客蓋浮輕吹齋刀
儼後陳林芳催兔目原色換龍鱗壞路歌聲雜構娼舞
壘新持杯徧酬客惟欠眼中人

寄外舅郭大夫

陳后山

巴蜀通歸使妻孥且舊居深知報消息不忍問何如身
健何妨遠情親未忍疎功名欺老病淚盡數行書

后山學老杜此逼其真者枯淡瘦勁情味深幽
晚唐人非風花雪月禽鳥虫魚竹樹則一字不
能作九僧者流為人所禁
詩不能成曷不觀此作乎

贈翁卷

劉後村

非止擅唐風尤於選體工有時千載事祇在一聯中世
自輕前輩天猶活此翁江湖不相見纔見又西東

後村詩比四靈斤兩輕得之易而磨之猶未坐
也四靈非極壘不出所以難後村晚節詩飽滿
於四靈也靈舒之死最後答續友書

贈高九萬并寄孫季蕃二

諸人凋落盡高叟亦中年行世有千首買山無一錢紫
髯長拂地白眼冷看天古道微如綫吾儕各勉旃

菊磻說花翁飄零向浙中無書上皇帝有句惱天公世
事年、異詩人箇、窮築臺并下榻今豈乏英雄

高九萬詩俗甚為老坡詩二首本俗於後村
季蕃老於花酒以詩禁僅為詞皆太平時節
也

寄趙昌父

趙師秀

逃名逃未得幾載住章泉便使重承認多應不議
風時所係新集世方傳憶就江樓別雪晴江月圓

末句全無可憶就西湖
宿月圓松竹深然亦可喜

贈賈書陳秀才

四圍皆古今，求日坐中心。門對官河水，簷依柳樹陰。每
留名士飲，屢索老夫吟。最感春燒盡，時容借檢尋。

陳起字宗之，睦親坊賣書，開肆于丁未。至在所
至辛亥年，凡五年，猶識其人，且識其子。今近四
十年，非坡人，亡不可見矣。

寄新吳友人

每於樓上立，遠望新兵春。至山疑長江，空雨似無懷。
才人盡愛多病體，常癯若治東遊策。舟行與子俱，三四

七言五十八首

酬淮南牛相公述舊見貽

劉賓客

少年曾忝漢庭臣，晚歲空餘老病身。初見相如成賦日，
尋為丞相掃門人。追思往事咨嗟久，喜奉清光笑語頻。
猶有登朝舊冠冕，待公三日拂埃塵。

酬太原狄尚書見寄

家聲烜赫冠前賢，時望穹崇鎮化邊。身上官銜如座主，
幕中談笑取同年。幽并俠少趨鞭弭，燕趙佳人奉管絃。
仍把天兵書號筆，遠題長句寄山川。

寄李蘄州

下車書奏龔黃課，動筆詩傳鮑謝風。江郡謳謠誇杜母，
洛陽歡會憶車公。笛愁春盡梅花裏，筆冷秋生蘼葉中。

新州出好笛 不道蘄州歌酒少使君難稱與誰同

夜宿江浦聞元八改官因寄此什

君遊丹陛已三遷我泛滄浪欲二年
劍佩曉趨雙鳳闕 煙波夜宿一漁船
交親盡在青雲上 鄉曲遙拋白日邊
若報生涯應笑殺 結茅栽芋種畬田

贈竇五判官

韋渠牟

故舊相逢三兩家 愛君兄弟有聲華
文輝錦綵珠垂露 逸興江天綺散霞
美玉自矜頻獻璞 真金難與細披沙
終須換取新詩品 更比芙蓉出水花

渠牟自稱重表兄 弟竇庠此詩極工

酬謝章卿十五兄俯贈

竇庠

大賢持贈一明璫 蓬華初驚滿室光
埋沒劍中生紫氣 塵埃瑟上動清商
荆山璞在終應識 楚國人知不是狂
莫恨伏轅身未老 會將筋力見王良

此詩亦足以 當渠牟之賜

酬竇大閑居見寄

房儒復

來自三湘到五溪 青楓無樹不猿啼
名慙行使官情少 路隔桃源歸思迷
鵬鳥賦成知性命 鯉魚書至恨睽攜
煩君強着潘年比 騎省風流詎可齊

竇大閑名常所寄詩後四句云蜀舍喜時春夢 覺鞦韆行處瘴江清新年且可三十二却笑情 郎白髮生 故有此答

贈商州王使君

張司業

銜命南來會郡堂却思朝裏接班行才雄猶是山城守
道薄初為水部郎選勝相留開客館尋幽更引到僧房
明朝從此辭君去獨出商關路漸長

同將作韋少監贈李郎中

舊年同過水曹郎各罷魚符自楚鄉重着青衫承詔命
齊趨紫殿異班行別來同說經過事老去相傳補養方
憶得當時亦連步如今獨有讀書堂

寄梅處士

擾了人間是與非官閑自覺省心機六行班裏身常下

九列符中事亦稀市客慣曾賒賤藥家童驚見着新衣
君今獨得居山樂應笑多時未便歸

依韻和趙令時

陸陶山

無事何妨數命賓一湖清境是西鄰栽花要與春為主
對酒嗔將月借人詩就彩牋舒卷玉舞餘花枕倒垂銀
由來景物常無價謾道錢多會有神

贈別吳興太守中父學士

蓬山仙子任天真乞領南麾奏疏頻金鎖關邊辭蔽座
水晶宮裏約朱輪公庭事簡煩丞相掾齋閣詩多泣鬼神
莫為行春戀茗雪鑿坡揮筆待詞臣

和開祖丹陽別子瞻後寄

陳令舉

仙舟繫柳野橋東會合情多勞
謫翁相對一樽浮蟻酒
輕寒二月小桃風
羈懷散誕調歌裏
世事縱橫醉笑中
莫恨明朝又離索
人生何處不匆匆

陳舜俞字令舉嘉祐四年中制舉李訢新法議南康酒稅日與劉凝之遊遇赦不仕卒東坡祭文深痛之

寒食中寄鄭起侍郎

楊仲猷

清明時節出郊原
寂寂山城柳映門
水隔淡煙疎竹寺
路經疎雨落花村
天寒酒薄難成醉
地迥樓高易斷魂
回首故山下
里外別離心緒向誰言

十四句皆美而
下略世人尤傳

欠韻和內翰楊大年見寄

李虛已

鬢冠三峯碧海寬
雲謠初下諳芝蘭
探珠宮裏驪龍睡
織錦機中彩鳳盤
藥砌蒼苔錢作點
粉牆脩竹玉爲竿
閑從莊蝶親鳧鳥
曾得安期九轉丹

三四頌揚六公所作如探珠錦錦五六言翰苑景物又謂夢中親炙永叔仙丹變化之力酷有

次韻和汝南秀才遊淨土見寄

長松繫馬放吟鞭
水殿沉檀一炷煙
苔破閑階幽鳥立
草芳深院老僧眠
桃花欲放條風後
茶蘼新供谷雨前

哀會賞詩多仰客我無岐路近神仙

三四甚佳虛已官至工待初與會致堯伯和致
堯謂子之歸工矣而其詩愈亞虛已惘然退而
精思得沈休文詩聲切響之說遂再綴數篇示
會之乃駭然嘆曰得之矣子謂此數語詩家大
抵括也上而啞不如下必上而響潘卯老以句
中眼為響字呂居仁又有字響響句之響之說
宋文公又以二人晚年詩不皆響響實篇焉學音
當先去其亞可也亦在乎抑揚頓挫之間以意
為脉以格為骨以
字為眼則盡之

將到都先獻樞密太尉相公

宋景文

再試州頻驗不才却將憔悴到中臺相車問罷同牛喘
大厦成時與燕來守壽春川方今日謀猷須丙魏他年
開變立之賓客但鄒枚西園聞道餘春在尚及花前飽盃

和致政燕侍郎舟中寄晏尚書

公自壽州換知
陳州至是再入

異時仙閣對三休頓首辭榮勳遂旒疎廣故僚供祖帳
鳴夷盡室付歸舟側堦生玉懷歡宴燕壁圖山代遠遊
新句漸高塵累少紫芝巖曲要相求

此晏元
憲公也

送越州陸學士

梅天霞破候旗乾鄉樹依然越絕間挾策當年逢掖去
懷章此日繡衣還亭餘內史浮觴水路入仙人取箭山
牛酒盛誇先豎宴不妨春詔得親班

留別虞樞密

王景文

太倉宇宙久陳，合與英豪共挽新。修造鳳樓須有手，住持烏寺可無人。千官禮絕三司貴，一士心歸萬國春。藉與八風吹六翮，飛騰意度不無神。

劉後村續詩話云：王曾景文與王相使公明詩云：試看公出手，毋謂我無人。與虞丞相云：寄身江漢歸無所，開眼乾坤見有公。甚倚快，但下聯云：修造鳳樓須有手，住持烏寺可無人。幾於自

知

寄蘇內翰

劉景文

倦厭鼃頭請左符，笑尋鱗尾為西湖。二三賢守去非遠，六一清風今不孤。四海共知霜鬢滿，重陽曾押菊袍無。聚星堂上誰先到，欲傍金樽倒玉壺。

六一清風一聯已作四海重陽一聯不惟見天下人共惜東坡之老又且開慰坡公隨時消息不必以時事介意也句律悲和豪健人人能誦之

次韻劉景文見寄

蘇東坡

淮上東來雙鯉魚，巧將詩信渡江湖。細看落墨皆松瘦，想見披緝正鶴孤。烈士家風安用此，書生習氣未能無。莫因老驥思千里，醉後哀歌缺唾壺。

坡詩亦足敵景文三四勁健五六言景文家世壯烈而能詩氣象推疏未易攀也

賈麟自睦來杭復將如蘇戲贈短句

強幾聖
春風那解繫狂遊，朝醉桐江暮柳洲。大手千篇隨地掃，一身四海學雲浮。榮名不落閑宵夢，退築聊為歲晚謀。

老搗殞鱸猶有興片心還起洞庭舟

強至幾聖餘抗人精於詩
有祠部集此特其一耳

和子瞻公牒京口憶西湖出遊見寄 陳述古

春陰漠、燕飛、可惜春風與子違半嶺煙霞紅旆入
滿湖風月畫船歸縱笙一闋人何在遼鶴重來事已非
猶憶去年題別處鳥啼花落客沾衣

寄長沙簿孫明遠

揚龜山

陽城衰晚拙催科闔寢空慚罪已多祭竈請鄰君自適
載醪祛感我誰過猗、庭倚蘭堪佩寂、門無雀可羅
歸去行尋溪上侶為投纓紱換漁蓑

揚公道學大儒詩具勝事
此篇亦整元祐人句法也

寄陳鼎

張宛丘

懶着青衫泥醉眠近來沽酒用無錢常憂送之鄰僧未
何啻寒無坐客甕直道謾處蒼苔卜浮生已付祖師經
祇因居士無醒日知有淵明種秫田

元註陳新置九
幸自號居士

長句贈邵老

衰疲坐甑極蒸氤念子柯山守舊廬更今無僧送未
童生時有吏徵租上書自薦心應恥扶策躬耕計未疎
虎豹九關今肅穆王門行看曳長裾

次韻李德載見寄

頭願幸獲免茲鋒甘分江湖守釣蓬老得一州聊自慰
相望千里與誰同已欣臺省登群俊猶歎湖湘臥病翁
元註謂二蘇公來書云及詩就醉餘頻走筆待觀雲海戲群鴻

次韻陳師道無已見寄

曾文昭

故人南北嘆乖離忽把清詩慰所思松茂雪霜無改色
鷄鳴風雨不愆時著書子已通科斗竊食吾方逐鸞斯
便欲去為林下友懶隨年少樂新知

師道曾作尚書傳故云

代祖父次韻酬羅君寶見贈

夏用中

蕭條門巷陋於顏老去青春僅得閑心書傳家無計策
手談留客漫機關靜思往事十年上俯嘆勞生一夢間
多謝光臨無別意為聞流水與高山

夏剛字用中商州人崇寧五年進士注至尚書方會大母八十九時陳了翁為其世孫堂詩後達高廟乙覽此代祖父次韻細問有集曰高峯

寄靈仙觀舒職方學士

揚文公

綠髮郎潛不記年却尋丹竈味靈菡華陰學霧還成市
彭澤橫琴豈要絃曉案祇因食沈瀼夜灘誰見弄潺湲
須知東隱金門客待乞刀圭作地仙

又

錢思公

方瞳玄髮粉為郎絳闕齊心奉紫皇徵士高懷雲在嶺
騷人秋思水周堂閑園露草開三徑靈宇華燈燭九光
知有美田堪種玉幾時春渚逐歸鯉

又

劉子儀

百渠仙署久離群抗迹丹臺世絕倫揚子不甘朝尚白
瀟園終許自全真紫煙深處鸞舞朱隨成來鳥共伸
若向雲中見雞犬可能渾望柱劉人

荅內翰學士

舒雅

清貴無過近侍臣多情何隱舊交親金蓮燭下裁詩句
麟角峯前寄隱淪和氣忽飄燕谷暖好風隨起謝庭春

緘藏便是山家寶留與兒孫世不負

寄荆南故人

章冠之

餘生自拚一虛舟未害尋詩慰定愁
柳纔依約已風流關心弟妹無蕭
天入夢江湖有白鷗
別後故人相念否東風應倚仲宣樓

和趙宣二首

胡明仲

徧遊南北與西東欲訪人間國士風
處世甚疎習笑我
宅心無累獨奇公詩才自媿非三上
酒聖相從又一中
為藥待開應且住莫令清賞轉頭空
冠月裾雲佩綠霞百年將此送生涯
愁心別後無詩草

病眼燈前有醉花落筆擅場聊寫意青山臨水遂成空
也須南畝多栽秫休似東陵只種瓜

及堂先生大手筆讀史皆見崇正辨之餘成此詩耳

贈胡衡仲

楊誠齋

風騷堂上徑雄趨不作俳辭笑已乎紙落煙雲春醉旭
氣含蔬笋薄僧殊夜來霜月千家滿雨後風埃半點無
安得與君幽討去一觴一詠惱西湖

當僧以用

嚴州贈姜梅山

陸放翁

故人玉骨已生苔謂公晚與君遊亦樂哉湖寺鱗舟無
夢去京塵馳騎有詩來醉中不敢教兒誦看處常須盜

手開彈壓風光須健筆和期力斡萬鈞回

放翁為嚴州後特之在婺以詩寄之故有此作五六作

寄姜梅山雷字詩

章臺宮柳映宮槐寶馬蹄輕不動埃只怕好詩無與敵
誰知古學有從來江山常逐客帆遠歲月不禁衙鼓催
剡約東都投淨柱高情千載友宗雷

三四乃教人作詩之法下可強擬必有本者如是

和陸放翁見寄

姜梅山

遙知三逕長荒苔解組東歸亦快哉津岸紛紛群吏去
船頭忽忽好山來平時佳客應相過勝日清樽想屢開

若許詩篇數還往直須共挽古風回

此美特立香和放翁詩三四佳陸詩並無美集

和陸郎中放翁

午庭風雨撼高槐一洗城頭十丈埃老子坐間尋句好
故人門外寄詩來勁鋒久服穿揚妙鈍思深慚擊鉢催
清佩左符君未可要聽吟思發春雷

此放翁為禮部時倡和詩也

寄江尚書

五十年間嘆闊疎相忘兩地復江湖書來筆底驚強健
詩去吟邊想步趨好對青山看歌舞莫嫌紅粉笑髭鬚

鳳毛已有哦松韻尚記金華舊範模

五六出奇不可束縛

和姜梅山見寄

汪大猷

投分雖深迹却疎君居東婺我西湖兒曹方喜承毛檄
父執應容效鯉趨慨念舊遊多宿草舊同官六十餘人今唯大猷公獨行僅
餘二老見霜鬚詩來喚起相思夢又向梅山得楷模

此尚書汪公酬姜之詩五六亦老筆

答山谷先生

高子勉

四篇詩得裹蹄金妙旨初臨法語尋要我盡除兒子氣
知公全用老婆心平章許事真難可付囑斯文豈易任
感激面東垂涕泗高山從此少知音

高荷子勉江陵人五言律三十韻贊見山谷中
有曰蜀天何處盡巴月幾回彎點檢金閨彥
零云荀珙高全宗廟器爲隔鬼門關山谷贊之
遂知名和山谷六言皆佳攷梅絕句尤奇和王
子予章華碑有云威強九鼎懼喪亂一壘成亦
可喜後知涿州卒詩入江西派芍藥詩云勃興
連穀兩間位次花王春盡詩云佳人鬪草百雅
子擊毬雙馬中玉云辯雖豪白馬謔亦因青
蠅皆可取

寄文潛無咎少游三學士

陳后山

北來消息不真傳南度相忘更記年湖海一舟須此老
蓬瀛方丈自非仙數臨黃卷聊遮眼穩上青雲小着鞭
李杜齊名吾豈敢晚風無樹不鳴蟬

元祐初是張似召試入館后山於二年四月始
得官故也二公於富貴而猶欲其驟進也青雲

小着鞭本白樂天
贈乃先詩語也

寄秦州曾侍郎子開

八年門第故遠離千里河山費夢思淮海風濤真有道
麒麟圖畫豈無時今朝有客傳何尹是處逢人說項斯
三徑未成心已具世間惟有白鷗知

寄侍讀蘇尚書

六月西湖早得秋二年歸思與遲留一時賓客餘枚叟
在處兒童說細侯經國向來須老手有懷何必到壺頭
遙知丹地開黃卷解記清波沒白鷗

此規東坡以進用不已恐必有後患也乃是頌
明召入時後又有寄送定州蘇尚書詩亦云海

道無遠具一舟君
子愛人以德如此

贈田從先

衣冠魯國動成群憂患相從只有君
落筆如流寧蹈襲行前應敵却紛紜
愧非伏老成和伯喜存侯邑守子雲
意氣有餘工用少相忘千里定能勤

晚唐詩諱用事然前輩善作詩者必善於用
事於師弟子間引兩事用之有何不可

贈王聿脩商子常

欲作新詩挑兩公含毫不下思無窮
貧逢大敵能無懼強畫脩眉未利工
長病忍狂妨痛飲晚雲朝雨帶晴空
正須好句留春住可使風飄萬點紅

能字每字乃是以虛字為眼非此二字精神安
在善吟來古詩者只點撥一二好字高唱起而
知其用力者意之地矣

贈漳州守秦叔厚

陳簡齋

過盡蠻荒興復新漳州書戟擁詩人
十年去國九行旅萬里逢公一欠伸
王粲登樓還感慨紀瞻起召欲逡巡
繩床相對有今日賸醉齋中軟脚春

寄德光大光

君王優詔起群公也真樵夫一尺中
易着青衫隨世事難將白髮犯秋風
共談太極非無意能繫蒼生本不同
却倚紫陽千丈嶺遙瞻黃鶴九霄東

鵝湖示同志

陸子壽

孩提知愛長知欽古聖相傳只此心大抵有基方築室
未聞無址可成岑留情傳注翻捺塞着意精微轉陸沉
跡重支朋勤切琢須知至樂在于今

復齋先生陸公九齡字子壽撫州金谿人父質
生六子公居第五乾道四年由太學第進士初
授桂陽教授改與國教以憂去尋調全州教示上
辛淳熙七年九月也年四十九其生紹興四年
甲寅少文公四歲文
律本共有詩十一首云

和鵝湖教授韻

陸子靜

墟墓興哀宗廟歛斯人千古不磨心涓流積至澹溟水
拳石崇成太華岑易簡工夫終久大支離事業竟浮沉

欲知自下丹高處真偽先須辯只今

象山先生陸公九淵字子靜行吾第六從道入
年進士東萊呂成公為考官實識其文初張
安薄丁憂而調崇安簿推闕子正初今所剛定
官將作監丞後在政學與祠先宗初除知荆門
軍紹興二年九月至郡三年十二月卒年五十
四其生紹興九年己未少女公九歲○文集共
有詩二十三首本集及朱文公年譜未句並作
真偽先須辨只今本集及朱文公年譜未句並作
先須辨只今本集及朱文公年譜未句並作
之學在末其本心而已人之本善無不善其
所以不善者非本心也孟子之說亦如此故
壽詩起句云放疑知愛長知欽古聖相傳只此
心子靜亦云墟墓興哀宗廟歛斯人千古不磨
心此皆指其心之存也然者以斯人也然聖賢
言正心養心是故大學以致知格物在誠意之
者非一端也在此而正心之先弟徑去此一
先而誠意又在乎正心之先弟徑去此一
正者其首由此而正心之先弟徑去此一

於此孝人用力特以爲一悟本心而可以爲聖
賢矣日思夫道而一起直入悟此心之本善則
堯舜在是矣故吾朱文
公非之不以二陸爲然

次韻

朱文公

德義風流夙所欽
別離三載更關心
偶扶藜杖出寒谷
又在籃輿度遠岑
舊學商量如邃密
新知培養轉深沉
却愁說到無言處
不信人間有古今

朱文公徽宗朝婺源人父松吏部郎官季父擇
以建炎四年庚戌九月甲戌生於九溪慶元六
年庚申三月甲子卒年七十一十一月葬建陽
縣唐石大林谷壻黃慈爲行狀門人李方子爲
編年至終謚爲年譜益詳○按年譜淳熙二年
乙未夏五月來至德公來訪講學于寒泉捐舍
留止旬日餞東萊至德湖陸九淵子壽九淵子
靜劉清之子亦來會相與講其地開二陸俱堯

已見不合而罷○又曰鶴湖辨論今無所考按
是時子壽有詩云云文公和云云子靜和云云
以詩觀之則學之同異亦可見矣其後子壽頗
悔其非而子靜則終身守其說不變○按淳熙
乙未朱文公年四十六歲陸子壽四十二歲子
靜三十七歲東萊三十九歲劉子澄侯攸子靜
是時以年少英銳之氣肆其唐突兄弟二詩詞
意皆頗下遊公然詆文公爲榛塞陸沉又曰支
離事業竟浮沉而文公和之詞意醇厚以遂密
深沉熒借之冀其自悟而二陸根本禪佛之學
不能從也又子壽詩題云鶴湖示同志且文公
年爲二陸之長仕宦輩行蓋亦在先而公示同
志亦不可謂備而不謙矣此事天下後世知二陸
之非而江西學者相與掩諱是不可不拈出垂
世此乃吾道學間一大機括也○二陸自不當
以詩人責之二詩三四止是一意詩家之所不
取非如三百五篇言之不足
故味歌之一意而三中者也

寄趙昌父

劉後村

世上久無遺逸禮此翁迴首不彈冠一生官職監南嶽
四海時盟主玉山徑歲著書人少見有時入郭俗曾看
何因樵服供薪水得付高名野史間

寄韓仲止

昨仕京華豪未減脫鞵不問貴游真詩家幸欲推盟主
丞相差教作散人閉戶自為千載計入山又忍十年貧
幾思投老從公去背笈攜琴澗水春

贈陳起

陳侯生長紛華地却似芸香自沐薰鍊句豈非林處士
鬻書莫是穆參軍兩簷兀坐忘春去雪屋清談至夜分

何日我閑若閑肆宿舟向泛北山雲

此所謂賞書陳居士亦曰陳道人寶慶初以秋
雨抵和皇于山春風揚柳扣公橋詩為史彌遠
所贈詩詞之快亦數器之劉浩夫等下大理後
鄭清之在瑣閣止之予及識此老屢造其肆別
有小陳道人亦
為賈似道編書

瀛奎律髓卷之四十二終

律髓卷之四十二

方

七

御書
御印

御書
御印

